



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Na osnovu člana 7. tačka (3) Pravilnika o kriterijima za finansiranje/sufinansiranje programa i projekata neprofitnih organizacija i udruženja („Službene novine Kantona Sarajevo“, broj 17/14), Ministarstvo za boračka pitanja Kantona Sarajevo objavljuje

OBAVJEŠTENJE

podnosiocima zahtjeva za finansiranje/sufinansiranje projekata obilježavanja značajnih događaja, datuma i ličnosti iz perioda odbrambeno-oslobodilačkog rata 1992.-1995. godine i perioda narodnooslobodilačkog rata 1941.-1945. godine na području Kantona Sarajevo” utvrđenih kantonalnim Kalendarima, za 2019. godinu

Zahtjevi za finansiranje/sufinansiranje projekata obilježavanja značajnih događaja, datuma i ličnosti u skladu sa Odlukom o usvajanju projekta "Opsada i odbrana Sarajeva 1992-1995. godine" ("Službene novine Kantona Sarajevo", br. 9/06, 15/07 i 35/12 i 29/15), Odlukom o utvrđivanju "Kalendara za obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995. godine na području Kantona Sarajevo" ("Službene novine Kantona Sarajevo", broj 9/08), Zaključkom Vlade Kantona Sarajevo broj 02-05-32129-8/08 od 18.12.2008. godine, te Odlukom o utvrđivanju "Kalendara za obilježavanje značajnih događaja, datuma i ličnosti iz perioda odbrambeno-oslobodilačkog rata 1941.-1945.godine na području Kantona Sarajevo" ("Službene novine Kantona Sarajevo", broj 14/09), se podnose u kontinuitetu tokom cijele godine.

Zahtjeve u pravilu podnose udruženja legitimirana kao nosioci obilježavanja konkretnog datuma od strane odgovarajućih nadležnih institucija (općinskih, gradskih, kantonalnih, federalnih itd) uz prezentiranje odgovarajućeg akta (npr. odluke općinskog vijeća).

Podneseni zahtjevi se u pravilu rješavaju putem Odbora za obilježavanje značajnih događaja, datuma i ličnosti koji imenuje ministar za boračka pitanja.

Zahtjev treba biti sačinjen u skladu sa obrascem za aplikaciju za finansiranje/sufinansiranje projekta, koji sadrži: naziv projekta, podatke o podnosiocu prijave projekta, opis projekta, ciljeve i ciljne grupe, plan realizacije projekta, trajanje projekta, osoblje i budžet. Uz zahtjev je potrebno dostaviti dokumentaciju koja dokazuje status podnosioca; Rešenje o registraciji (sa eventualnim izmjenama), Uvjerenje o poreskoj registraciji – identifikacioni broj i Uvjerenje iz registra udruženja ne starije od 6 mjeseci.

Ministarstvo za boračka pitanja zadržava pravo da zatraži dostavu dodatne dokumentacije predviđene Uredbom o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12-Ispravka, 37/13 i 16/14), kao i Pravilnikom o kriterijima za finansiranje/sufinansiranje programa i projekata neprofitnih organizacija i udruženja („Službene novine Kantona Sarajevo“, broj 17/14).

Aplikant koji je na propisani način dostavio izvještaj o utrošku sredstava za projekte odobrene u prethodnoj godini će se u svojoj prijavi referisati na isti (broj akta i datum podnošenja, kopija pratećeg akta i/ili potvrde o prijemu i slično), a onaj koji nije dostavio izvještaj o utrošku ranije odobrenih sredstava ne može aplicirati za dodjelu sredstava u 2019. godini.

Korisnik sredstava će sa Ministarstvom za boračka pitanja potpisati Ugovor o realizaciji odobrenih sredstava.

Odobrena sredstava se moraju utrošiti namjenski i nije dopuštena izmjena namjene bez eksplicitne dozvole Ministarstva za boračka pitanja, a korisnik je dužan nakon realizacije odobrenog projekta ili aktivnosti dostaviti izvještaj o namjenskom utrošku odobrenih sredstava. Izvještaj se podnosi prema obrascu narativnog i finansijskog izvještaja zajedno sa odgovarajućom dokumentacijom, uz prateći akt. Rok za dostavu izvještaja je 15 dana od dana okončanja projekta ili aktivnosti.

Obrazac za prijavu projekata za finansiranje/sufinansiranje iz Budžeta Kantona Sarajevo (OBR.7.3-02-01/01) i Obrazac narativnog i finansijskog izvještaja koji treba primjenjivati prilikom izrade izvještaja u skladu sa Uredbom o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo, mogu se naći na web stranici Ministarstva za boračkapitanja Kantona Sarajevo.

Prijave sa potrebnom dokumentacijom se blagovremeno (15 dana prije konkretnog datuma) dostavljaju na pisarnicu Kantona Sarajevo ili poštom na adresu: Ministarstvo za boračka pitanja Kantona Sarajevo, ulica Reisa Dž. Čauševića br. 1, 71000 Sarajevo uz naznaku: za Odbor za obilježavanje značajnih događaja, datuma i ličnosti.

Broj: 06-14-2953-2/19

Sarajevo, 08.02.2019. godine

MINISTAR
mr. Ismir Jusko



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1

